



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Oratio III. Oratio ad B. Virginem Mariam, pro speciali consolatione.

[urn:nbn:de:hbz:466:1-45790](#)

tatione faciem tuam honorabo: Ave Maria, gratia plena, Dominus tecum, benedicta tu in mulieribus, & benedictus fructus ventris tui Iesus Christus. Amen.

ORATIO III.

Oratio ad B. Virginem Mariam, pro speciali consolatione.

Suscipe, misericordissima mater Dei Maria, seruum tuum ad te de quacumque tribulatione fugientem. Suscipe me Virgo piissima, sicut unicum non habentem consolatorem. Vide Domina mea afflictionem meam, & sinum clementiae tuae aperi mihi. Ecce pulso, clamo, peto, & adoro. Non recedo, nec te dimitto; sed tibi adhaereo, donec miserearis mei. Scio incomparabilem dulcedinem tuam: noui affectum maternalem cordis tui, ex abundantia divini amoris sic liquefactum, ut desperare de tua consolatione nimis sit forefactum. Ideoque frequentissime & desideratissime me conseruo ad te: ut siue bene siue etiam male cum mecum fuerit, semper tuis gratiosis auxilijs merear amicari, & suauissimis consolationibus oris tui resoueri. Te enim loquente consolatoria, quae iam poterit cordi inesse tristitia? Aut quomodo illi nocebit inimicus, cui ad te patet semper liber recursus? Inclina itaque nunc benignissima mater humiles aures tuas precibus meis. Inclina illustris virgo hydram tuam, & da mihi pauxillum bibere: hoc est, de copiosa gratia tua, quae in te latet & exuberat, parvulam mihi consolationem effunde. Est enim pro praesenti valde necessaria, & omni tempore acceptabilis, nec unquam pro paucitate fastidibilis. Tantæ siquidem efficacia est & nobilitatis, etiam guttula stillans ex ore tuo super labia mea: ut eius comparatione vile sit & nihil omnne delectabile in hac vita. Propterea dilectissima M A R I A, diues & larga in donis, in verbis quoque gratiae mirabiliter suavis: in cuius virginali vtero summa habitauit sapientia, ut quam spiritus sanctus ab initio consecravit, Angelus custodivit, Archangelus docuit, virtus Altissimi ebumbrauit, refice me salutaribus monitis tuis. Dic verbum tantum, & consolabitur anima mea. Non peto rem difficultem, nec aliquid impossibile, sed hoc tantum precor, Domina mea, loquere mihi verbum solatij intimi, quod auditui meo det gaudium & iætitiam. In necessitate mea ad te venio: Eia suscipe me vultu benigno. In hoc cognoscet seruos tuos, quia inuenit gratiam coram oculis tuis: si et aliquid amicabile protuleris; si consolationem, quam a te exspectat, non diu tardaueris.

2. Veni

2. Veni charissima Maria, cum melliflua unctione tua, ad visitandum cor meum in tribulatione sua. Quia tu optimè nos tenuire dolores cordis, & ad pacem pristinam reformare. Veni piissima Domina, cum noua Christi gratia: & iacentem seruum tuum erige dextera tua sancta. Veni electa mater Dei, & solitam tuæ miserationis largitatem mihi reuela. Quia, ut cernis, ad nihilum redactus sum: sed tui oblitus non sum, nec obliuiscar in æternum. Veni ergo, veni spes mea, & gaudium meum; dilecta, & dulcis virgo M A R I A. Quia te veniente, & mecum sermocinante, omnia pariter bona venient, mala autem longius forsitan. O quam desiderabile, quam ingens & lætabile mihi erit, audire verbum matris Domini mei Iesu Christi! Sed quale verbum? Verbum utique pium, dulce satis, & amicum: quod audiuit beatissimus Apostolus Ioannes, à dilecto sibi magistro, filio tñ, quando illi dixit: Ecce mater tua. Hoc ille audiuit à Domino, sed ego idem peto audire à te Domina mea, in spiritu & devotione mentis. Dic ergo mihi: Ecce mater tua: Ecce ego sum. Ad hanc benignissimam vocem tuam, reconnaescat anima mea: læteturque coram te, sicut lætari solet filius inuenta matre sua. Intret, intret amicabilis vox ista in aures cordis mei, & ex suavi alloquenter oris tui, simul influat spiritalis quedam consolatio Spiritus sancti. Sumat cor meum fiduciam nouam, timor abscedat, ambiguitas nou me moueat amplius: nec desperatio per varias tentationes frangat; sed consoletur me verbum istud, quod à te peti, audire, & cordi meo attentius commendare: Ecce mater tua. Amplectere nunc anima mea hanc commendationem: amplectere dulcissimam M A R I A M: amplectere Dei matrem, cum paruolo filio suo I E S V, præ filijs hominum speciosissimo, gratias illi agendo semper. Quia ipsa est, quæ preces consuevit audire pauperum: nec inconsolatos dimittit, quos perseveranter ad se clamare conspexerit. Hæc est illa Deifica virgo, & virga mystica, quæ ex regali stirpe progenita, diuini floris protrahit amigdalum, ipsum Christum, regem ac salvatorem omnium. Cui sit honor & gloria in secula seculorum. Amen.

ORATIO IV.

Oratio ad B.V. Mariam quacumque tribulatione insurgente.

I. **A**ve MARIA, gratia plena, Dominus tecum, virgo serena. Ave singularis spes egenorum. Ave benigna mater orphorum. O Maria quando omnes carli portæ clausæ sunt, & ad Deum tendique mihi accessus denegatur propter peccata mea: Quando omne consilium & robur mentis à me recedit, & in nulla re me ipsum